


# S I U M U T



Immikkoortortaqarfiit malittarisassaat

Malittarisassat uku immikkoortortaqarfiit toqqammavissaattut suliaapput. Immikkoortortaqarfiit sumiiffimminni tunngasutigut naleqqussaanissaat kajumissaarutigineqarpoq.

Imai:

§ 1. Immikkoortortaqarfiup atia najugaalu .....	3
§ 2. Anguniagaq.....	3
§ 3. Peqatigiiffiup suliassai .....	3
§ 4. Ilasortaanermi piumasaqaatit.....	4
§ 5. Taaseqataasinnaaneq qinigaasinnaanerlu.....	4
§ 6. Immikkoortortaqarfimmi oqartussat.....	4
§ 7. Peqatigiiffiup naatsorsutai aningaasaqarneralu .....	6
§ 8. Misileraanerit inerisaanerillu.....	6
§ 9. Immikkut aalajangersaanerit .....	6
§ 10. Malittarisassat akuersissutigineqarnerat.....	7

## **§ 1. Immikkoortortaqarfiup atia najugaalu**

Peqatigiiffiup atia: Siumut \_\_\_\_\_.

Peqatigiiffiup Siumut Partiip malittarisassai anguniagaalu aallaavigalugit suliassatik siunissaq ataatsimoorfiusoq quequtaralugu ingerlanniarpaat.

## **§ 2. Anguniagaq**

Siumup anguniarpaa naqisimaneqanngitsumik inuillu susassareqatigiillutik ikioqatigiillutillu ineriaartornissaannik eqqarsartaatsip siammariartinnejarnissaa akuerineqarnissaalu, partiip naalakkersuinikkut anguniagai tunngavigalugit, aningaasarsiornikkut piorsarsimassutsikkut naalakkersuinikkullu soqtigisat tunngaviusumik anguniakkat isummiussallu aallaavigalugit.

Anguniakkat sulissutigineqassapput:

- aalajangersaasarnerni aaqqissuussaanermut, najukkami nuna tamakkerlugu nunarsuarmioqataasutullu ilaasortat peqataatinnerisigut,
- innuttaasut partiimik oqalliseqateqartittuarnerisigut, ulluinnarni naalakkersuinikkut suliat ungasinnerusumullu anguniakkat pillugit,
- immikkoortortaqarfiup kommunimut qinersinissami qinigassanngortinniagaanik inassuteqartarnikkut.

## **§ 3. Peqatigiiffiup suliassai**

Imm. 1. Ilaasortassarsiorneq paasisitsiniaanerlu

Peqatigiiffik suliniuteqartuassaaq ilaasortat amerlisarniarlugit, ingerlaavartumillu paasisitsiniaalluni Siumup naalakkersuinikkut nuna tamakkerlugu, kommunini sumiiffimmilu suliniutai pillugit.

Imm. 2. Kommunimut qinersinissami qinigassanngortitsineq.

Peqatigiiffik kommunimut qinersinissami qinigassanngortitassanik ataatsimut siulersuisunut inassuteqassaaq, ataatsimut siulersuisut qinigassanngortitassat nalunaarutigineqarnissaannut qineequsaarnerullu ingerlanneqarnissaanut akisussaammata.

Imm. 3. Kommunalbestyrelsimi gruppimik suleqateqarneq.

Peqatigiiffiup kommunalbestyrelsimi ilaasortat sinnisaannik minnerpaamik ukiumut ataasiarluni naapitsisassaaq, suliat ingerlasut suliassallu isumasioqatigiissutigineqarnissaat siunertaralugu.

Imm. 4. Suliassat allat.

Siulittaasup akisussaaffigaa ataatsimut siulersuisunut partiillu qullersaqarfianut kikkut taticisaalluni qinigaaffinnut assigiinngitsunut qinigaasimanerisa nalunaarutigineqartarnissaat. Immikkoortortaqarfik aamma partiip qullersaqarfianut ataatsimullu siulersuisunut attaveqaataavoq.

## **§ 4. Ilaasortaanermi piumasaqaatit**

Imm. 1. Kina ilaasortangorsinnaava.

Kikkulluunniit Siumup siunertaanik anguniagaanillu tapersersuisut ilaasortangorsinnaapput.

Imm. 2. Ilaasortaaneq.

Ilaasortatut isigineqassaaq inuk ilaasortat allassimaffiannut nalunaarneqarsimasoq, ilaasortaanermullu akiliutissaminik akiliisimasoq.

Siumup inuuusuttunut suleqatigiffiani S.I.S.-imi ilaasortat Siumup immikkoortortaqarfiani ilaasortaasinnaapput, kissaatigunikku, S.I.S.-imut ilaasortaanermut akiliutertik tunngavigalugu.

Ilaasortaaneq ingerlatiinnarsinnaajumallugu ingerlaavartumik ilaasortaanermut akiliuteqartoqartassaaq. Ukioq ataaseq sinnerlugu ilaasortaanermut akiliuteqarnissamik kinguartoorsimagaanni, ilaasortaanermi pisinnaatitaaffiit (taaseqataasinnaaneq aamma qinigassanngortissinnaaneq) atorunnaassapput, akileeqqittoqarnissaata tungaanut.

Imm. 3. Ilaasortaajunnaarsitsineq

Partiimi allami ilaasortaasimagaanni, naalakkersuinikkullu suleqataalluni, imaluunniit inatsisartunut qinersinermi kommunimulluunniit qinersinermi Siumut qinigassanngortiffiisa avataanni qinigassanngortikkaanni inuilluunnit allat qinigassanngortinniarneranni ikiuussimagaanni, Siumumi ilaasortaaneq atorunnaassaaq.

Siumup gruppianit tunuartitaagaanni imaluunniit nammineerluni tunuaraanni, kisiannili kommunalbestyrelsimi, inatsisartuni folketingimiluunniit ingerlaannaraanni Siumumi ilaasortaaneq atorunnaassaaq.

## **§ 5. Taaseqataasinnaaneq qinigaasinnaanerlu**

Imm. 1. Qinigassanngortitsineq.

Ataatsimiinnerni communalbestyrelsimit qinigassanngortitassanik inassuteqartoqarfiusuni, imaluunniit Siumut partiip siulittaasuanik ilaasortat qinersineranni taaseqataasinnaajumalluni ilaasortaanermut akiliut akilereersimasariaqarpooq, ilaasortaanermullu akiliutissaminik kinguartooruteqarsimassanani, § 4 imm. 2 naapertorlugu.

Ilaasortat immikkoortortaqarfimmi pineqartumi ilaasortaasut kisimik ataatsimeersuarnermi taaseqataasinnaapput.

Imm. 2. Immikkoortortaqarfimmi qinersinerit.

Tatigisaasutut qinigaaffinnut qinigaasinnaassagaanni ilaasortaanermut akiliutissaq akilersimasariaqarpooq.

## **§ 6. Immikkoortortaqarfimmi oqartussat**

Imm. 1. Ataatsimeersuarneq.

Ataatsimeersuarneq immikkoortortaqarfimmi oqartussaanerpaavoq, ukiullu tamaasa maaji qaamat naatinnagu ingerlanneqartassalluni.

Ataatsimeersuarnerit akornini peqatigiiffik siulersuisunit aqunneqartassaaq.

Imm. 2. Siulittaasup nalunaarutaa.

Ataatsimeersuarnermi siulittaasoq ukiumi qaangiuttumi ingerlatsisimaneq pillugu nalunaaruteqartassaaq, soorluttaaq ukiumut aggersumut suliniutissanut pilersaarummik saqqummiussisoqartassasoq.

Ataatsimiititaliat ataatsimeersuarnermit pilersinneqarsimasut nalunaaruteqartassapput, aningaaseri- sllu naatsorsuutit kukkunersiorneqarsimasut kukkunersiusup oqaaseqaatai ilanngullugit saqqummiuttassavai, akuersissutigineqartussanngorlugit.

Imm. 3. Siulersuisussanik il.il. qinersineq.

Qinersisoqartassaaq: Siulittaasumik, tullianik, aningaaserisumik, allatsimik aamma minnerpaamik siulersuisunut ilaasortassanik marlunnik. Tamatuma saniatigut siulersuisunut sinniisussanik pingasunik kukkunersiusussamillu qinersisoqartassaaq. Siulersuisuni ilaasortat sinniisussallu amerlassusaat sumiiffimmi pissutsit tunngavigalugit amerlassusilerneqarsinnaapput. Illoqarfimmi nunaqarfimmiluunniit Siumup Inuuusuttunut Suleqatigiiffia immikkoortortaqarfegaraangat (siulersuisoqaraangat) Siumup immikkoortortaqarfia ataatsimeersuartillugu siulersuisuni inissaq ataaseq SIS-imut tunniunneqartassaaq.

Imm. 4. Siunnersuutit ataatsimeersuarnermi oqaluuseritinniakkat.

Siunnersuutit ilaasortat ataatsimeersuarnermi oqaluuseritinniagaat kingusinnerpaamik ataatsimeersuarnissaq ullanik sisamanik sioqqullugu siulittaasumut tunniunneqareersimassapput.

Imm. 5. Ataatsimut siulersuisut partiillu ataatsimeersuarneranut aallartitassamik/nik toqqaasarneq.

Immikkoortortaqarfimmi Ataatsimeersuartut ataatsimut siulersuisut ataatsimeersuarnissaannut, Siumut Partiillu ataatsimeersuarnissaanut aallartitassamik/nik qinersisassapput, ataatsimut siulersuisut malittarisassaat partiillu malittarisassai naapertorlugit taaseqataasinnaalluni aallartitaasussamik/nik.

Imm. 6. Siumut Partiip siulittaasussaanik qinersineq.

Siumut Partiip siulersuisuunerisa partiip malittarisassaani § 9 naapertorlugu siulittaasumut qinersisoqarnissaal nalunaarutigippassuk, immikkoortortaqarfip siulersuisuunerit qinersinermillu ataatsimiititaliap maleruaqqusai naapertorlugit ilaasortat qinersisinneqarnerat aaqqissutissavaa isumagalugulu.

Imm. 7. Ilaasortaanermut akiliutip aalajangiivigineqartarnera.

Ataatsimeersuartut ilaasortaanermut akiliutip annertussusissaa aalajangertassavaat. Siumut partiip malittarisassaani § 4 naapertorlugu partiimut ilaasortat akiliutissaata isumannaarneqarsinnaanissaa ilanngullugu isumagineqartassaaq.

Imm. 8. Immikkut ittumik ataatsimeersuarneq.

Siulersuisut aalajangersinnaapput immikkut ittumik ataatsimeersuartoqassasoq.

Tamatuma saniatigut siulersuisut immikkut ittumik ataatsimeersuarnissamut aggersaassapput ilaasortat 2/3-iisa allaganngorlugu tamanna piumasarippassuk.

Ataatsimeersuarneq piumasaqaatip tiguneqarneraniit kingusinnerpaamik ullut 14-it qaangiunneranni ingerlanneqassaaq.

Ataatsimeersuarnerni tamani ullormut oqaluuserisassat allassimaffiat allagarsiinikkut nalunaarutigineqartassaaq. Tamanna kingusinnerpaamik ataatsimeersuarnissaq sapaatip akunneranik sioqqullugu pisassaaq.

## **§ 7. Peqatigiiffiup naatsorsuutai aningaasaqarneralu**

Imm. 1. Ukioq naatsorsuuseriffik kukkunersiuinerlu.

Peqatigiiffiup ukioq naatsorsuuseriffia tassaavoq 1. januar - 31. december

Siulersuisut naatsorsuutit suliarineqartarnissaannut akisussaapput, aammalu ukiup naatsorsuuseriffiusup qaangiunnerani maji qaammat naatinnagu naatsorsuutit naammassineqarsimanissaannut, Siumullu qullersaqarfianut nassutereersimanissaannut.

Kukkunersiusut kukkunersiuinerminni oqaaseqaatiminni oqaaseqarfifissavaat ilaasortat akiliutaasa isertinneqartut partiimullu akiliutigineqartut imminnut naapertuunnerat, aammalu partiimut akileraarutitigut isertitat naapertuunnersut ilanngullugit, Siumut partiip malittarisassaani § 4 imm. 1 aamma imm. 2 naapertorlugit.

Imm. 2. Atsiorsinnaatitaaneq.

Peqatigiiffik atsiugassatigut siulittaasumit aningaaserisumillu ataatsimoorluni akisussaaffigineqarpoq. Siulersuisulli pisinnaatitsisinnaapput siulittaasoq aningaaserisorlu kisimiillutik atsiorsinnaatitaassasut, peqatigiiffiup ingerlatsinermut kontoa eqqarsaatigalugu, tassungalu ilaatillugu aningaaserisoq angerlarsimaffimminniit qarasaasiaq atorlugu aningaaserivimmi kontonut attaveqarsinnaatillugu (Homebanking).

Illunik pisineq, tuniniaaneq imaluunniit qularnaveeqqusiusineq ataatsimeersuarnermi akuerineqaq- qaartassapput.

## **§ 8. Misileraanerit inerisaanerillu**

Siulersuisunerit misileraalluni ineriartortitsillunilu ingerlatsinissamik partiip malittarisassaanut naapertuittingitsunik akuersissutigisaanni immikkoortortaqarfiit peqataasinnaapput.

Misileraalluni ineriartortitsillunilu ingerlatsinerit partiip qullersaqarfianit aqunneqassapput.

## **§ 9. Immikkut aalajangersaanerit**

Malittarisassanit saneqqutsineq taamaallaat pisinnaavoq ataatsimeersuaqataasut 2/3–iisaakuersinerisigut. Malittarisassanik saneqqutsineq Siumut Partiip inatsisanut akerliusuussanngilaq.

Nalornisoqartillugu Siumut Partiip siulersuisunerinut apeqqut aalajangiiffigisassanngortinneqarsinnaavoq.

## **§ 10. Malittarisassat akuersissutigineqarnerat**

\_\_\_\_ / \_\_\_\_ - 202

---

Siulittaasoq

/

---

Ataatsimeersuarnermi aqutsisoq